

兵防

叙曰天生五材民並用之雖甚盛世烏能去兵國之不可以無兵也尚矣而邑則無兵何也曰弓兵屬巡檢司曰民壯號團操曰快手號有馬邑之所謂兵也果兵乎哉供使令之役効奔走之勞而已萬一有警安在其能干城衛民也無兵而志之期有兵也志兵防

演武場

在南郭門外西

嘉靖間廢萬曆元年知縣姜壁重建

大門正堂燾臺六年知縣崔汝孝重修增建抱廈候

兵防

卷十

一

館厨房各一

〔備禦所〕

在塘頭寨

設青州左衛後所百戶一員旗軍一百

名把守海口防禦倭寇墩十曰

公母堂黃種上思河舊寨在所東

曰

甯墳荆埠課墩官臺甜水河八面河在所東南

所有哨兵食糧于邑無事則

登高以瞭望有事則駕舟以偵探而春秋二汛亦屬緊急海上無警似涉冗食萬一倭信叵測則此不容缺也盖弓兵屬于巡檢司以備干楸而民壯有守城之役此則以備海防云

〔天王橋屯〕

在城東南二十五里

縣東北負海三鹽場隸其地鹽徒出沒水陸並進動
稱數百恐生他變不可不防

南路

大王橋去縣二十里居民五百家與彭家道口
相連鹽徒逕由之路

東路

從臨淄王家岡來過高家港過王家店小張郭過
淄大夫店令往王家店咽喉之地守之

西路

從新鎮來過新店田家庄新集碑寺口往博興
縣宜防守

中路

從趙小清河起過神堂燕鬼口尹家店石村過楊
往大夫店去定令在石林守之